



უირაში

№29 (9.643)

9-16 აპრილი 2014 წელი

ფასი: 50 თეთრი

გამოცემის 1937 წლიდან

დედოფლისწყაროს მუნიციპალიტეტის გაზეთი

დედოფლისწყარო და საპატიო მოქალაქეები



დედოფლისწყაროს ცენტრალურ მოედანზე 1 აგვისტოს გაიმართა „დედოფლისწყარო“ უკვე მეორე წელი აღინიშნება, აქვე ჯილდოვდებიან დედოფლისწყაროს საპატიო მოქალაქეები და წარმატებული დედოფლისწყაროელები.

ამჯერად კონცერტში მონაწილეობდნენ: ლადო ათანელი, თემურ ნიკლაური, თამუნა ალადაშვილი, „ქუჩის ბიჭები“, სოფო ბედა, კახეთის ჰიმნის ავტორი ტატო ვაიდერიძე და სხვები.

საპატიო დედოფლისწყაროელების ნიშნები მიენიჭა ცნობილ საოპერო მომღერალს, ჩვენს თანამემამულეს, მსოფლიო ბარიტონს – ლადო ათანელს, „ეტალონის“

ნამყვანს – გორა ტყეშელაშვილს, დეკანოზ ნიკოლოზ ლომსაძეს და ბიზნესმენს – ელზარ ჩოშიასს.

ისინი კახეთის გუბერნატორმა ირაკლი შილაშვილმა, დედოფლისწყაროს გამგებელმა ნიკოლოზ ჯანაშიაშვილმა და საკრებულოს თავმჯდომარე ზვიად ჯავახიშვილმა დააჯილდოვეს. გუბერნატორმა დედოფლისწყაროელებს ელიაობა და დედოფლისწყარო პრემიერის და პარლამენტარ ლექსო თამაზაშვილის სახელითაც მიულოცა და ამ დღის მნიშვნელობაზე ისაუბრა.

ლადო ათანელმა მადლობის ნიშნად „მხოლოდ შენ ერთს“ შეასრულა და აღნიშნა, რომ მშობლიურ რაიონში მიღებული ჯილდო ყველა საერთაშორისო ჯილდოზე უფრო ძვირფასია და მას ეს ემოციური დღე არასოდეს დაავიწყდება, რადგან მისთვის მოულოდნელი იყო ასეთი თბილი შეხვედრა.

მამა ნიკოლოზ ლომსაძემაც მადლობა გადაიხადა და აღნიშნა, რომ ეს ჯილდო მხოლოდ მას არ ეკუთვნის და ის ყველა დედოფლისწყაროელის კუთვნილებაა, რადგან დედოფლისწყაროში ტაძრების მშენებლობა აქტიური ჩართულობით მოხერხდა.

„ეტალონის“ ნამყვანმა გორა ტყეშელაშვილმა კი განაცხადა, რომ კახეთის რეგიონში თვითმმართველობის არჩენებამდე წინასწარჩევნო კამპანიაში აქტიურად იყო ჩართული და მოსახლეობასთან შეხვედრების დროს პირობა დადო, რომ 2014-15 სასწავლო წლისთვის „ეტალონის“ ახალი სეზონი სწორედ იმ ქალაქით გაიხსნებოდა, სადაც „ქართული ოცნება“ ყველაზე მაღალ პროცენტულ მხარდაჭერას მიიღებდა. ასეთი კი ქვეყნის მასშტაბით პირველ ადგილზე დედოფლისწყარო აღმოჩნდა, რის გამოც მედია-პროექტის ახალ სეზონს დედოფლისწყაროელი მოსწავლეები გახსნიან.

წარმატებული დედოფლისწყაროელის ტიტულის მფლობელები:

ლიმა ტოკლიკიშვილი – ექიმი პედიატრი; დავით ნატროშვილი – სტუ დეპარტამენტის უფროსი, მათემატიკოსთა ეროვნული კომიტეტის თავმჯდომარე; ალექსი რიბიტაშვილი – სტუ პროფესორი; დავით გონაშვილი – სპორტსმენი, მწვრთნელი; ელენე გოლაშვილი – მსოფლიო ჩემპიონი, პირველი ქართველი მოკრივე ქალი; გელა ბეძაშვილი – პოეტი, სპორტსმენი, საქართველოს ჩემპიონი მკლავჭიდაში; თამაზ ყარაბაგვაშვილი – დამსახურებული მწვრთნელი; რუსუდან გონაშვილი – პედაგოგი, ესპანეთში მსოფლიო პედაგოგთა კონფერენციის გამარჯვებული; ვაჟა მოსულიშვილი – მწვრთნელი; კლარა ოზაშვილი – ღვანდოსილი ფურნალისტი, ზვიად სამუშაშვილი – ევროპის ჩემპიონი ძალოსნობაში; ირაკლი კიკილაშვილი – მუსიკოსი, კომპოზიტორი, პედაგოგი; აბნა სარდალაშვილი – წარმატებული ახალგაზრდა; ხვიჩა ძოჭვაშვილი – მსოფლიო ჩემპიონი კიკბოქსინგში; ლადო ხუციშვილი – მკლავჭიდაში საქართველოს ჩემპიონი.

ლონისძიებს ესწვებოდნენ გასულ წელს დასახლებული დედოფლისწყაროს საპატიო მოქალაქეები, მედია-კავშირ „ობიექტივის“ დამფუძნებელი ირმა ინაშვილი და ფურნალისტი ნინო ჯღარკავა. დედოფლისწყაროს წარმატებულ ადამიანებს სიტყვით სწორედ ნინო ჯღარკავამ მიმართა და კულტურის ცენტრის სახელით ისინი ფასიანი საჩუქრებით დააჯილდოვა.

აქვე იმყოფებოდა სახალხო არტისტი თემურ ნიკლაური, რომელიც „ობიექტივის“ ფურნალისტების მსგავსად დედოფლისწყაროს საპატიო მოქალაქედ გასულ წელს დასახელდა. ის კვლავაც ზუმრობდა, რომ დედოფლისწყაროში ბინისა და ვენახის მიღებას ელოდება, რის შემდეგაც აქვე გადმოსახლებაზე იფიქრებს. მან სხვა სიმღერებთან ერთად „ღვინოვ, კახურო!“ შეასრულა, რა დროსაც მოულოდნელად სცენაზე ლადო ათანელი ავიდა და მასწავლებელმა ექსპრომტად უპრეცედენტო დუეტი იხილა, რაც მართლაც საინტერესო სანახავე და მოსასმენი იყო.

„ბავშვობიდან მასსოვს, ყოველთვის არნივი იყო, ბატონი თემური ყოველთვის მეფე იყო და დარჩა არნივად... დღეს ბედნიერება მხვდა წილად, რომ ჩემს საყვარელ კუთხეში, ჩემს სამშობლოში გაიხსნა და ჩემს თემურისთან ერთად მეღმერა. მართლაც ბედნიერი ვარ და დღეს ყველაზე უფრო გულწრფელი ვარ. სიტყვები არ მყოფნის, ნამდვილად, უღრმესი მადლობა ყველას ჩემო დედოფლისწყაროელებო!.. მადლობა ყველას, კეთილი თვალებისთვის და მიღებისთვის. მინდა გითხრათ, რომ ყოველთვის ვამაყობდი თქვენით და საერთოდ საქართველო ამაცობს ქიზიყით, განსაკუთრებით დედოფლისწყაროთი.“

(გაგრძელება გვ.8)



აპრილისთვის მოუჩინა ტაიპილი

გვ. 4

საჯარო დაწესებულებაში საფუძო 9 საათზე დაიწყება

გვ. 2

საკადრო ცვლილებები

გვ. 3

ფრთხილად, გენიზიტი!

გვ. 6

აგვისტო, ჩვენი მოურჩენელი ტკივილი

მეექვსედ მოვიდა ტკივილიანი აგვისტო ჩვენს ქვეყანაში. თუმცა ყოველდღე გვახსოვს დედასაქართველოს მოწყვეტილი ჩვენი აფხაზეთი და სამაჩაბლო, ვუცქერით იძულებით გადაადგილებულ

პირთა გასაჭირს, მაინც 7 აგვისტოს გათენება უზომოდ ტკივილიანი და სევდიანია. ამ დღეს, ტრადიციულად, კიდევ ერთხელ ვიხსენებთ და პატივს მივავებთ იმ ჯარისკაცების და უდანაშაულოდ დახოცილი ადამიანების ხსოვნას, ვინც ამ ხუთ გაუსაძლის დღეს შეენირა.

8 აგვისტოს დედოფლისწყაროს საზოგადოებამ თავი მოიყარა მამულისთვის თავდადებულ გმირთა მემორიალთან. აქ მოვიდნენ მუნიციპალიტეტის ხელმძღვანელები, გამგეობის, საკრებულოს, საბიუჯეტო ორგანიზაციების წარმომადგენლები. გმირთა სულელების მოსახსენებლად ხორნაბუჯისა და ჰერეთის ეპარქიის მღვდელმსახურებმა მემორიალთან პარაკლისი გადაიხადეს.

- ტკივილიანი ეს, დღე ნათელში იყოს მათი სულეები. მთავარი მიზეზი, რატომაც მოხდა ეს ყველაფერი იმაშია, რომ, სადაც არ არის უფალი, არ არის სიყვარული, გონიერება და სიბრძნე. ვიდრე არ გვექნება შესაბამისი დამოკიდებულება ღვთის მიმართ, ჩვენი ისტორია ტრაგიზმით იქნება გაჯერებული. ღმერთმა დალოცოს დღევანდელი ხელისუფლება, ეკლესია, პატრიარქი და მოგვანიჭოს უფალმა გულწრფელი რწმენა, რომ ღვთის შენეებით დაიძლიოს წინააღმდეგობები. ღმერთმა გააძლიეროს და გაამთლიანოს ჩვენი ქვეყანა, ნათელში იყოს მამულს შენიშული გმირების სულეები, ღმერთმა დალოცოს თითოეული ქართველი და სრულიად საქართველო, - თქვა თავის ქადაგებაში დედოფლისწყაროს სამლოცველო სახლის დეკანოზმა პეტრემ.

შეკრებილთ სიტყვით მიმართა დედოფლისწყაროს მუნიციპალიტეტის გამგებელმა ნიკოლოზ ჯანაშიაძემ: დღევანდელი დღე ტკივილითა და სიამყითაა გაჯერებული. ტკივილით იმიტომ, რომ ბევრი ჯარისკაცი და უდანაშაულო ადამიანი შეენირა ამ ომს, სიამყით იმიტომ, რომ ჩვენ გვყავს ისეთი არმია, რომელსაც შეუძლია, მოიგერიოს მტერი და დაიცვას მამული. ეს დავითის და გოლიათის შერკინებას ჰგავდა. ამხელა იმპერია შეაჩერა და გადაარჩინეს ქვეყანა ჩვენი თანამემამულეების გიორგი აბიათარის, გოჩა ილურიძის, თემურ ბერიძის და ბონდო კახიძის მსგავსმა



გმირთა ჯარისკაცებმა.

სწორედ მათი დამსახურებაა, ჩვენ რომ აქ ვართ დღეს, მათ სახელს დავინყვებთ არ მივცემთ. ჩვენს გვერდზე დგანან ბავშვები, რომლებსაც უნდა ვასწავლოთ, ვინ არიან ეს გმირები, აქ არიან დედები, რომლებსაც დიდი მადლობა უნდა ვუთხრათ, ასეთი ვაჟკაცების გაზრდისთვის. ეს მემორიალი იმ ყველა მებრძოლის სახელს და გვარს ინახავს, ვინც, სხვადასხვა დროს, თავი შესწირა ჩვენი ქვეყნის დამოუკიდებლობას. მინდა, წუთიერი ღუმილით პატივი მივავით თითოეული მათგანის ხსოვნას, - თქვა მან.

აგვისტოს ომის ისტორიას მიუძღვნეს მრავალი ლექსი და ფრთიანი სიტყვა დედოფლისწყაროს N1 საჯარო სკოლის მოსწავლეებმა ანა ღაბიაშვილმა და მარინამ ხარაზიშვილმა. შინამოუსვლელ გმირებს უმღერეს ვაჟთა ანსამბლ „ხორნაბუჯის“ წევრებმა.

მიტინგის მონაწილეებმა, მუნიციპალიტეტის ხელმძღვანელობასთან ერთად, სოფელ სამრეკლოში გიორგი აბიათარის საფლავზე გადაინაცვლეს, სადაც მათ გიორგის თანამებრძოლები შემოუერთდნენ.

ნაირა გორაშვილი



გმირების გაცოცხლებული ისტორიები

„აგვისტო რომ მოახლოვდა, წაღვა ვიზრძინი ხალის მოჭრა, ბიორგი სახლამდე მოყვა“

გაზეთი „პრაიმ-ტაიმი“ წელს მეხუთედ მართავს ხსოვნის კვირეულს. აგვისტოს ომში და ავღანეთში დაღუპული გმირების ხსოვნისადმი მიძღვნილი ღონისძიება 5 აგვისტოს 15 საათზე გაზეთ „პრაიმ-ტაიმის“ რედაქციაში შედგა. დაღუპული ჯარისკაცების ოჯახების წევრების გარდა ღონისძიებას პოლიტიკოსებიც ესწრებოდნენ, რომლებმაც სიტყვა წარმოთქვეს და გმირი დედების წინაშე ქედი მოიხარეს. „პრაიმ-ტაიმი“ გთავაზობთ სამშობლოსთვის თავდადებულ ჯარისკაცთა გმირი დედებისგან მონათხრობს საოცარ ისტორიებს.

ლიზა აბიათარი (გიორგი აბიათარის დედა): ჩემი შვილი 18 წლის გახდა თუ არა, აგვისტოს ომში მოხალისედ წავიდა. რამდენჯერმე დააბრუნეს, კლასელებთან ერთად მოხალისედ მაინც წავიდა. ომში ორი თვის და ათი დღის წასული იყო 8 აგვისტოს კასეტური ბომბები რომ ჩამოყარეს და პირველი მსხვერპლი ოთხი კახელი ბიჭი იყო, მათ შორის იყო გიორგი. - გოჩა ილურიძე, ბესიკ მამიაური, ილია შევერდაშვილი და ჩემი გიორგი ერთ კასეტურ ბომბზე აფეთქდნენ. გიორგის წლისთავზე სახლის კარებში ორი მერცხალი შემოფრინდა.

გოჩა და გიორგი იყვნენ-მეთქი, მაშინვე ვთქვი. 5 აპრილს გიორგის დაბადების დღესაც შემოფრინდა მერცხალი. დედა გენაცვალოს, ალბათ, შენ მოხვედი-მეთქი, ვუთხარი. ახლახან, აგვისტო რომ მოახლოვდა, ეზოში მივდიოდი და ვიგრძენი უკან წელზე ძალიან მაგრად მომიჭირა ხელი. გიორგი იყო... ნამოდი, დედა, არ გზია-მეთქი, ვუთხარი. ვიგრძენი სახლამდე მომყვა მისი ენერგია. ძალიან ძლიერი იყო, არ ვიცი სიკვდილი როგორ მოერია. შეიძლება თქვან, დედის ფანტაზიის ნაყოფიაო, მაგრამ მე ჩემ შვილს ყოველთვის ვგრძნობ...




დედას, რომელსაც შვილი მოუკვდება, დარჩენილი სიცოცხლე გამწარებული აქვს, მაგრამ, როცა დარდის გამწარებული და გულშემტკივარი ბევრი ჰყავს, როცა მისი შვილის თავდადება სამშობლოს წინაშე დანახული და დაფასებულია, ოდნავ შეგების მომგვრელია. ისე როგორც ბევრმა ახალგაზრდამ, ჩვენი რაიონის ოთხმა ჭაბუკმა გიორგი აბიათარმა, გოჩა ილურიძემ, თემურ ბერიძემ და ბონდო კახიძემ 2008 წლის აგვისტოს ომში თავი შესწირეს სამშობლოს თავისუფლებას. მას მერე მეექვსედ მოვიდა ჩვენთვის ტკივილიანი 9 აგვისტო. გამსხენებელი ბევრი ჰყავს ჩვენს შვილებს, მაგრამ გამორჩეულად მადლობა მინდა ვუთხრა გაზეთ „პრაიმ-ტაიმის“ რედაქციის მთელ კოლექტივს იმ ყურადღებისათვის,

მადლიერება

რასაც ისინი იჩენენ ჩვენი შვილების ხსოვნის პატივსაცემად. თაკო ჩხეიძემ, თავის გუნდთან ერთად, დიდი შრომა გასწია, შეკრიბა და წიგნად გამოსცა აგვისტოს ომში დაღუპულ გმირთა ბიოგრაფიები და მათი მოღვაწეობა. წიგნი „გმირები“ ჩვენი შვილების უკვდავებაა. გაზეთის რედაქციას არც ერთი აგვისტო არ გამოუტოვებია, ამ ბიჭების მშობლები რომ არ მიენვია, შეხვედრა არ გაემართა და მადლობა არ ეთქვა მათი გაზრდისთვის. ასე იყო მიმდინარე წლის 5 აგვისტოსაც. შეხვედრის ადგილი უცვლელია - ყველა დედა მოუთმენლად ველოდებით ამ დღეს. დიდ მონიტორზე ტრიალებდა ჩვენი შვილების გაცოცხლებული სახეები და გვაშხენებდა, რომ ტყუილად არ დაღვრილა მათი სისხლი. აქ ყოველწლიურად

თავს ვიყრით შაოსანი დედები და ერთმანეთს დარდს ვუზიარებთ. ჩვენს გვერდზე არიან ისეთი დედებიც, რომლებსაც შვილის საფლავის ნომერი აქვთ მხოლოდ და ჩვენ დაგვანატრიან, შვილის საფლავზე სანთლის დანთება და მოხსენიება რომ შეგვიძლია. ყველა იმ დედის სახელით, ვისაც არ იფინებებს გაზეთ „პრაიმ-ტაიმის“ რედაქცია, დიდ მადლობას ვუხდით მათ ყურადღებისა და თანადგომისათვის. უფალს კი შევთხოვ, აღარ ენახოს ჩვენს ქვეყანას ომი, აღარ გამწარდნენ მშობლები, შვილები, მეუღლეები, გამრავლდეს და გაიხაროს ჩვენმა მომავალმა თაობამ.


ყველა მშობლის სახელით გიორგი აბიათარის დედა ლიზა აბიათარი.



გვანსოვდეს ჩვენი უშიშარი და მებრძოლი სულის გაჟღავნება

(მეხუთე გვერდიდან)

და სასწაული მოხდა: დემეტრემ თავი მოაბრუნა, დააკვირდა და გაუღიმა. მანამდეც, სანამ ორსულად ვიყავი, ყოველ დღით მუცელზე ხელს ვადამისვამდა და ბოხი ხმა უნახებოდა, ასე ეუბნებოდა: „დილა მშვიდობისა, მამა!“ და ბავშვიც მაშინვე შეინძრეოდა ხოლმე...



რეზო ალავერდაშვილი - კაპრალი, დაჯილდოებულია მედლით — "სამშობლოსათვის თავდადებული".

სულ ორიოდე წლის წინ

2 აგვისტოს დასავლეთში წავედი. 2 დღის ჩასული ვიყავი და მესამე დღეს დამირეკა, ბავშვი მენატრება და უნდა ჩამოგიყვანოთო. ვერ ჩამოვედი, დემეტრე წლისა და ოთხი თვის იყო, მე - 8 თვის ორსული და თავი შევიკავეთ მგზავრობისგან. ახლა ამას საშინლად ვნანობ...

ზაზას ცხედარი მოგვიანებით, ოქტომბერში გადმოასვენეს, მანამდე სახლში იმედი ჰქონდათ, რომ დაბრუნდებოდა.

მამინდელი საქართველოს პრემიერ-მინისტრი ბიძინა ივანიშვილი, თავდაცვის მინისტრი ირაკლი ალასანიას, შს მინისტრი

ირაკლი ლარიბაშვილი და იუსტიციის მინისტრი თეა წულუკიანი მცხეთის რაიონის სოფელ ნიჩბისში 2008 წლის აგვისტოს ომში დაღუპული ქართველი ჯარისკაცის კაპრალ რეზო ალავერდაშვილის დაკრძალვის ცერემონიას დაესწრნენ. მათ დაღუპული სამხედროს ოჯახს პირადად მიუსამძიმრეს და თანადგომა გამოუცხადეს. დაკრძალვის ცერემონიაში საქართველოს შეიარაღებული ძალების საპატიო ყარაული მონაწილეობდა. საპატიო ყარაულის სამხედრო მოსამსახურეებმა 2008 წელს რუსული აგრესიის დროს დაღუპული სამხედროს ხსოვნას საგანგებო ზალპით მიაგეს პატივი. აგვისტოს ომში კაპრალი რეზო ალავერდაშვილი 21 წლის გარდაიცვალა. ამ დრომდე ის უგზო-უკვლოდ დაკარგულად ითვლებოდა და მისი იდენტიფიცირება მხოლოდ დნმ-ის ანალიზის საფუძველზე მოხ-

და. თანამებრძოლებს რეზო ალავერდაშვილი 9 აგვისტოს შანხაის მიმართულებით მონინალმდეგესთან შეტაკების შემდეგ აღარ უნახავთ. კაპრალი ალავერდაშვილი საქართველოს შეიარაღებულ ძალებში 2007 წლიდან IV ქვეით ბრიგადაში მსახურობდა. საქართველოს თავდაცვის სამინისტრომ ღრმა სამძივარი გამოუცხადა რუსული აგრესიის შედეგად დაღუპული ქართველი ჯარისკაცის ოჯახს. "კაპრალი ალავერდაშვილი არის ჩვენი ქვეყნის გმირი. ის გმირულად იცავდა საქართველოს 2008 წელს, როცა აგრესორებმა შემოუტიეს ჩვენს ქვეყანას. მინდა მივუსამძიმრო სრულიად საქართველოს. ძნელია ოჯახისთვის, თითოეული ჩვენგანისთვის და მთელი საქართველოსთვის. ეს ფაქტი კიდევ ერთხელ შეგვახსენებს იმ ტრაგედიას, რომელიც 2008 წელს დაგვატყდა თავს. მინდა

ვისურვო, რომ საქართველოს ცოცხალი გმირები უმრავლესდებოდნენ. ჩვენი ამოცანა იქნება დავიცვათ მშვიდობა და ის ქვეყანა, რომლის დაცვასაც შესწირა თავი კაპრალმა ალავერდაშვილმა" — განაცხადა ირაკლი ალასანიამ. * * * რამდენიმე დღის წინ ტელევიზიით გამოაცხადეს, რომ საქართველოს საზღვრები კვლავ შეავიწროვეს რუსებმა და რამდენიმე ქართველის ოჯახი რუსული მავთულხლართების იქით მოხვდა. ეს ყველაფერი, რა თქმა უნდა, გვტყავს თითოეულ ქართველს. მაგრამ ისიც ძნელი წარმოსადგენია, კვლავ სისხლი დაიღვაროს და კვლავ მსხვერპლი გაიღოს საქართველომ, ეტყობა ამ ეტაპზე, საქართველოსთვის ეს დუმილი ყველაზე მომგებიანია. მასალა მოამზადა ლალი მისრინაშვილმა

სათემო კავშირის დედოფლისწყაროს ორგანიზაციის პრეზენტაცია

„საქართველოს სათემო კავშირის“ დედოფლისწყაროს ორგანიზაციის პრეზენტაცია გაიმართა. მისი წევრები სოფელ სამრეკლოს საკრებულოს შენობაში შეიკრიბნენ და ორგანიზაციულ საკითხებზე იმსჯელეს. შეხვედრას ორგანიზაციის თავმჯდომარე ისაკ გიორგაძე, მისი მოადგილე გიორგი ყიფშიძე, „სათემო კავშირის“ კახეთის ორგანიზაციის ხელმძღვანელი ალიკა ტალიური და დედოფლისწყაროს ორგანიზაციის თავმჯდომარე დავით ლეკაშვილი ესწრებოდნენ. შეხვედრა დედოფლისწყაროს რაიონული ორგანიზაციის ინიციატივით მოეწყო და „სათემო კავშირის“ წევრებმა თემში არსებული აქტუალური საკითხები განიხილეს. საუბარი კითხვა-პასუხის რეჟიმში წარიმართა და ყველა კითხვას,

პასუხი ამომწურავად გაცვა. „საქართველოს სათემო კავშირის“ თავმჯდომარემ დამსწრე საზოგადოებას სამომავლო გეგმები გააცნო. მისი თქმით, ორგანიზაცია აქტიურად იმუშავებს თითოეული თემის სოციალური და ეკონომიკური პრობლემების შესწავლაზე და მათი გადაჭრის გზებზე. შეხვედრის ბოლოს, დედოფლისწყაროს ორგანიზაციის ხელმძღვანელობას სპეციალური კითხვარი გადაეცა, რომლის მეშვეობით გამოიკითხებიან მოქალაქეები და იმ სოციალურ პრობლემებზე, რომელიც რაიონისთვის ყველაზე პრიორიტეტულად გამოიკვეთება, ორგანიზაცია დონორ ორგანიზაციებთან ერთად სპეციალური პროგრამის განხორციელებას დაინიშნებს.

ილია მარტყოფლიშვილი



„დილით მექანდა ჩემი ბავი, ჩემი სოსუმი“

დედოფლისწყაროს მნიგნობართა ასოციაციაში, ამავე ასოციაციის საპატიო თავმჯდომარის ვანო ნატროშვილის პატრონაჟით გაიმართა პოეზიის საღამო ქართული პოეზიის მოყვარულთათვის. ამჯერად ეს დაუვიწყარი საღამო დავითმა მარიკა ბარათაშვილის სახელობის პრემიის ლაურიატის, საქართველოს ჟურნალისტიკის „ამაგდარის“ წოდების მფლობელს, ცნობილი ჟურნალისტის, პოეტისა და მწერლის, საზოგადო მოღვაწის, გაზეთ „საქართველოს ლირიკის“ რედაქტორის ქეთევან ფაცქაძის შემოქმედებასა და მოღვაწეობას. მხოლოდ გამორჩეულ ადამიანთა წილხვედრია პოეზიასთან და მწერლობასთან შერწყმა, შეგრძნება, მუსიკალურ ბგერათა შეკვრა, ლექსად ან წინადადებად

ჩამოქანდაკება. ასეთ პოეტ-მწერალთა რიცხვს ეკუთვნის ეთერ ფაცქაძე, მისი შემოქმედება სამწერლო და პოეტურ ასპარეზზე მეტად შრომატევადი და ნაყოფიერი აღმოჩნდა. იგი რამდენიმე წიგნის ავტორია. აქედან გამოსარჩევია პოეტური კრებული „შავი ზღვა“, რომანი ხუთ წიგნად „თარაში“, მოთხრობებისა და მინიატურების წიგნი „მთვარიანი ღამე“. ეთერ ფაცქაძე პოეზია გამოირჩევა შედარებებისა და ეპითეტების სიუხვით. პროექტის ინიციატორმა და ორგანიზატორმა, მნიგნობართა ასოციაციის თავმჯდომარის მოადგილემ ნანა ჭიჭინაძემ, პასუხისმგებელმა მდივანმა ლია ჩოქურმა, ასოციაციის წევრებმა და ადგილობრივმა პოეტებმა მხატვრულად წაიკითხეს ეთერ ფაცქაძის

სულში ჩამწვდომი პოეზიის ახალი ნიმუშები. პოეტი თავის ლექსებში სათუთად ეფერება აფხაზეთს „დილით მექანდა ჩემი ბავი, ჩემი სოსუმი, ალენდრების სილაქაშვი ვეძებდი ადგილს...“ პოეტი ნატროშის ერთ დიდ თაიგულად შეერთებული ყოფილიყო საქართველოს ყველა კუთხე, მაგრამ თაიგულის მშვენიერ ყვავილმა-აფხაზეთმა ისეთი მწველტავი ეკალი გამოიღო, გული დაუფლითა პოეტს და სრულიად საქართველოს. მიუხედავად ყველაფრისა, პოეტი იმედს არ კარგავს, რომ ქართველები და აფხაზები ერთად მოქმედებენ გამოსავალს და აღადგენენ იმ ურთიერთობებს, რაც აფხაზეთის ომამდე იყო. პოეტი მძაფრად შეიგრძნობს ბუნების ფერწერულ სახეს და

გრძნობს, რომ საქართველო საოცრებაა და საოცნებო ზღაპარია, რომელსაც ყოველი ქართველისაგან მოვლა სჭირდება. მისი კოლეგა, პოეტი, ნანი საბანიძე თავის რეცენზიაში აღნიშნავს: „ეთერ ფაცქაძის პოეზია დიდი მოქანდაკის, როდენის სიყვარულის ქანდაკებას ჰგავს. ვაზის ტოტემი ჩახლართული ვაჟისა და ქალის ფიგურა საოცარ გამჭვირვალე აურას ქმნის, რომელიც თანდათან იცვება და ნელა კოსმოსისაკენ ლაყვარდში მიისწრაფვის, რათა იქიდან სიყვარულის ვარსკვლავად მოეფინოს ქვეყანას.“ პოეზიის საღამოს სპონსორი გახლდათ შპს „სალბუნი-ფარმა“, საინფორმაციო მხარდაჭერი გაზეთები „საქართველოს რესპუბლიკა“ და „შირაჟი“. მარიკა პოპიაშვილი

გ ა ს წ ო რ ე ბ ა

ჩვენი გაზეთის წინა ნომერში, ტექნიკური მიზეზის გამო, გაიპარა უზუსტობა, რომელმაც ტექსტის კონტენტის ცვლილება გამოიწვია, რისთვისაც გიხდით პოდიშს და გთავაზობთ განცხადების სწორ ვერსიას.

უ უ რ ა დ ლ ე ბ ა !

ქალაქ დედოფლისწყაროში, შირაჟის ქ. N 98-ში (რკინიგზის სადგურის მიმდებარე ტერიტორიაზე) გაიხსნა მიცვალებულთა სარიტუალო ატრიუტიკის სახლი. ამ შვიკილიათ შვიკინოთ როგორც ზის, ასევე რკინის ჯვრები, შაუკვითოთ კუპოთქანი ან მათი მასალით. ღარკაით:

☎ 557 139 022.

